

2023

# D'EIB OP EE BLÉCK



Europäesch  
Investitiounsbank

## D'EIB op ee Bléck

© Europäesch Investitiounsbank, 2023.

98-100, boulevard Konrad Adenauer

L-2950 Lëtzebuerg

+352 4379-1

[info@eib.org](mailto:info@eib.org)

[www.eib.org](http://www.eib.org)

[twitter.com/eib](https://twitter.com/eib)

[facebook.com/europeaninvestmentbank](https://facebook.com/europeaninvestmentbank)

[youtube.com/eibtheebank](https://youtube.com/eibtheebank)

All Rechter virbehalen

All Froen zu Rechter a Lizenze sinn u [publications@eib.org](mailto:publications@eib.org) ze richten.

Fir weider Informatiounen iwwer d'Aktivitéite vun der EIB besicht wgl. eise Internetsite  
ënner [www.eib.org](http://www.eib.org)

Dir kennt och [info@eib.org](mailto:info@eib.org) kontaktéieren. Mellt lech ënner [www.eib.org/sign-up](http://www.eib.org/sign-up) fir  
eisen Newsletter un.

D'Kraaft vun der Natur ass beandrockend. Am Laf vun der Geschicht hunn d'Mënschen hir Stierm, Iwwerschwemmungen, Dréchten an Eruptiounen gefaart. An dëser kritescher Zäit ass eis kloer, datt mir amplaz am Aklang mat der Natur sinn an hier Kraaft notze mussen, wa mir de Klimawandel bekämpfe wëllen, deen eist eegent Handele verursaacht huet. Méi ewéi d'Halschent vun den Investitiounen vun der Europäescher Investitiounsbank fléissen an de Klimaschutz an an ekologesch Nohaltegkeet. Eis Prioritéit ass d'Finanzéierung vun der Energiewend zu erneierbaren Energien, déi vun der Natur ugedriwwen ginn, vu geothermescher Energie iwwer Wandkraaft bis hin zu Waasserkraaft. Aus dësem Grond setze mir dës natierlech Kräfte an dësem Joer op d'Titelblieder vun eise wichtegste Berichter.

© Fotorechter: EIB, Eggtronic, Anaconda Biomed, Gettyimages, Shutterstock.

Verëffentlecht vun der Europäescher Investitiounsbank.

Gedréckt op FSC®-Pabeier.

# D'EIB OP EE BLÉCK

D'Europäesch Investitiounsbank (EIB) ass d'Bank vun der Europäescher Unioun. Mir sinn déi gréisst multilateral Finanzinstitutioun vun der Welt an ee vun de gréisste Finanzdéngrschtleeschter fir de Klimaschutz.

Zanter hirer Grënnung am Joer 1958 huet d'EIB iwwer eng Trillioun Euro a Projeten an Europa an a Länner weltwäit investéiert. Obwuel Klimaschutz een Deel vun eisem Handeln ass, konzentréiere sech eis Aktivitéiten op déi follgend Schwéierpunktberäicher: Klima an Ëmwelt, Entwécklung, Innovatioun Qualifikatiounen, kleng a mëttel Entreprises, Infrastruktur an Zesummenaarbecht.

Den Europäeschen Investitiounsfong, deen zum EIB-Grupp gehéiert, ass dorop spezialiséiert, kleng a mëttel Entreprisë mat Finanzéierung fir nei Betriber, Wuesstem, Innovatioun, Fuerschung an Entwécklung, Beschäftegung a regional Entwécklung ze ënnerstëtzen.

D'EIB schafft mat aneren EU-Institutiounen zesummen, fir d'europäesch Integratioun ze förderen, d'Entwécklung an der Europäescher Unioun ze förderen an d'EU-Politik ze ënnerstëtzen. Dës Aarbecht erstreckt sech iwwer Europa eraus: D'EIB ass an iwwer 160 Länner aktiv a verbessert all Joer d'Liewe vu Milliounen vu Mënsche bannent der Europäescher Unioun a weltwäit.

D'Vernetzung war am Laf vun eiser Geschicht d'Häerzstéck vun der Aarbecht vun der EIB. D'EIB-Investitiounen a ganz Europa bréngen d'EU-Länner méi no zesummen. Duerch EIB Global, déi 2022 gegrennt gouf, fir d'Wierkung vun eiser Entwécklungsfinanzéierung ze erhéijen, droe mir zur Bewältegung vun de globalen Erausforderunge bäi a férdere Wuesstem a Chancen op alle Kontinenter.

An enger Zäit, an der de Wäert vum Multilateralismus a Fro gestallt gëtt, erënnert d'Aarbecht vun der EIB stänneg un d'Kraaft vun integréierten europäesche Beméiungen.



Mat der Ausbreedung vu COVID-19 stoung d'Welt virun onmëttelbare gesondheetlechen a wirtschaftlechen Noutfäll. Et gouf dréngende Bedarf, en Impfstoff a Léisungen ze fannen, fir d'Ausbreedung vum Virus ze begrenzen. D'EIB huet d'Entwécklung a Produktioun vu COVID-19-Impfstoffer finanzéiert an aner Moosnamen am Gesondheetswiesen esouwuel bannent der Europäescher Unioun an doriwwer eraus erhieflech ënnerstëtzt. Den EIB-Grupp huet och weesentlech zu de Moosnamen vun der EU och bäigedroen, fir d'wirtschaftlech Auswierkunge vun der Kris op d'europäesch Entrepen an d'Wirtschaft anzedämmen.

Grad ewéi d'COVID-19-Kris ugefaangen huet, sech ofzeschwächen, ass Russland an d'Ukrain amarschéiert an huet eng nei global Kris ausgeléist. Als Deel vun enger internationaler Reaktioun op dës Kris huet d'Bank finanziell Ënnerstëtzung iwwer den EIB-Solidaritéitspak fir d'Ukrain mobiliséiert, fir dem Land ze hëllefen, dréngend Bedierfnesser ze decken. Doriwwer eraus schafft d'EIB zesumme mat der Europäescher Kommissioun u weidere Finanzéierungen, fir der Regierung ze hëllefen, kritesch öffentlech Déngschtleschtunge fir Mënschen, déi an der Ukrain bliwwen sinn, oprechtzeerhalen.

Als weltwäit gréisste multilaterale Prêtgeber ënnerstëtzt d'EIB d'Wirtschaft beim Opléien, bei der Schafung vun Aarbechtsplazen a bei der Fërderung vu Gläichberechtigung an Nohaltegkeet. Mir schaffen mat öffentlechen a private Partner zesummen a moossen eisen Erfolleg dorun, wéi staark eis Aarbecht der Gesellschaft hëlleft an d'Liewe fir d'Mënsche verbessert, déi se beréiert.

EIB-Investitiounen ënnerstëtzen d'Energiewend aktiv. Als EU-Klimabank dréit d'EIB duerch hir weltwäit Moosnamen dozou bäi, d'Vepflichtunge vum Paräiser Ofkommes – dem internationale Klimaschutzofkommes – an den Ziler fir nohalteg Entwécklung vun de Vereenten Natiounen ze erfëllen. Mir hunn eng Trillioun Euro fir Investitiounen an d'Klima- an ekologesch Nohaltegkeet an den nächsten zéng Joer zougesot.

# EIS WIERKUNG AM JOER 2022

**260  
Milliarden  
Euro**

un Investitiounen,  
déi duerch EIB-Aktivitéiten  
ënnerstëtzt ginn

**4,9  
Trilliounen  
Euro**

un insgesamt mobiliséierten  
Investitiounen

**72,45  
Milliarden  
Euro**

un EIB-Grupp-  
Finanzéierungen

**36,5  
Milliarden  
Euro**

fir gréng Investitiounen

**44,28  
Milliarden  
Euro**

op Obligatiounsmäert  
breetgestallt

**14,11  
Milliarden  
Euro**

u Finanzéierunge fir méi  
kleng Entreprisen

**18,72  
Milliarden  
Euro**

u Finanzéierunge fir nohalteg  
Energie an nohalteg  
Ressourcen

**15,52  
Milliarden  
Euro**

fir Innovatioun, digitaalt an  
Humankapital ze fërderen

**5,3  
Milliounen\***

Aarbechtsplazen a klengen  
Entreprisen ze erhalen

\* D'Zuele bezéie sech op KME/mëttelstänneg Entreprisen, déi vun der EIB-Ënnerstëtzung am Joer 2022 oder vun der EIF-Ënnerstëtzung tëschent Oktober 2021 a September 2022 opgrond vu bis Enn 2022 mat Vermëttler ënnerzeechent Operatiounen ënnerstëtzt goufen.



## **D'EIB-Finanzéierung am Joer 2022 huet 65,15 Milliarden Euro bedroen, dovun 10,82 Milliarden Euro am Kader vun de Globalaktivitéite vun der EIB \***

**25,4  
Millioune**

Leit, déi méi séchert Waasser  
drénken

**8,5  
Millioune**

Stéit, déi mat Strom  
versuergt ginn

**17  
Millioune**

Mënschen, déi vun enger  
verbesseter Infrastruktur  
profitéieren

**6,6  
Milliounen**

nei Abonnente mat  
5G-aktivéierten Dénsgchter

**570,1  
Milliounen**

zousätzlech Faarte mat  
ëffentlechen Transportmëttel

**234 700**

Mënsche mat reduzéiertem  
Héichwaasserrisiko

**15 800 MW**

Stromgeneratiounskapazitéit,  
100% aus erneierbaren Energien

**3,1  
Milliounen**

ukrainesch Flüchtlingen  
an Opnamzentere oder  
zäitweiligen Ënnerkënt

**150,4  
Millioune**

Mënschen, déi vu verbesserte  
Gesondheetsdénsgchter,  
dorënner COVID-19-  
Impfstoffer profitéieren

\* D'Gesamt-EIB-Grupp-Finanzéierung baussent der Europäescher Unioun ëmfaasst niewent EIB Global och Projekte vum EIF baussent der Europäescher Unioun a Projekte vun der EIB an der Europäescher Fräihandelsassoziation.







# ËNNERSTÛTZUNG FIR D'UKRAIN



D'Europäesch Investitiounsbank steet den ukraineschen Autoritéiten an der ukrainescher Bevëlkerung zur Säit. Se ënnerstëtzt eng onofhängeg Ukrain.

Als Deel vun enger EU- a internationaler Reaktioun op dës Kris huet d'Bank finanziell Ënnerstëtzung iwwer den EIB-Solidaritéitspak fir d'Ukrain mobiliséiert, fir der Regierung ze hëllefen, dréngende Geldbedarf ze decken. Doriwwer eraus schafft d'EIB an Zesummenaarbecht mat der Europäescher Kommissioun dorun, weider Finanzéierungsmëttel bereetstellen, fir datt d'ukrainesch Regierung weiderhi wichteg öffentlech Déngschtleeschunge fir d'Leit, déi am Land bliwwen sinn, erbréngen ka fir sécherstellen, datt Liewensmëttel, medezinesch Versuergung a Brennstoffer weiderhi verfügbar bliwwen, während gläichzäiteg Transport, Energie, Stadentwécklung an digital Projekte gestëtzt ginn. 2022 goufen zwee grouss Finanzéierungspäck geneemegt:

- En éischte Pak vu 668 Milliounen Euro kuerz no Krichsufank, fir der Regierung bei der Deckung vun dréngende Bedierfnesser ze hëllefen.
- En zweete Pak vun 1,59 Milliarden Euro fir d'Reparatur vu beschiedegter Infrastruktur a fir kritesch Projeten nees virunzeféieren, ënnerzeechent am Juli 2022. E bësse méi ewéi 1 Milliard Euro aus dësem Pak goufen ausbezuelt, fir dem Land bei der Reparatur vu beschiedegter Stroossen, Brécken a Schinneweeër ze hëllefen.

Den EIB-Institut, de sozialen a kulturellen Aarm vun der EU-Bank, huet de vum Krich betroffenen Ukrainer och humanitär Hëllef an der Héicht vun 2,5 Milliounen Euro zur Verfügung gestallt. D'Bank huet dobäi gehollef, Zouschëss an der Héicht vun 59 Milliounen Euro ëmzewedmen, fir Zich a Schinnen an der Ukrain ze reparéieren, zäitweilig Brécken ze installéieren, déi duerch de Krich zerstéiert goufen, an d'Gesondheetsversuergung a Wunnenge fir déi Mënschen ze verbesseren, déi aus hiren Haiser hu flüchte mussen.

D'Bank huet och Subventiounen an der Héicht vu bal 18 Milliounen Euro aus dem Treihandfong fir technesch Hëllef an den ëstleche Partnerlänner zur Ënnerstëtzung vu ronn 700 000 Mënschen, déi aus hiren Heemecht geflücht sinn, zur Verfügung gestallt. De Partnerschaftsfong gëtt vun Éisträich, Frankräich, Däitschland, Lettland, Litauen, Polen, Schweden an dem Vereenegte Kinnekräich ënnerstëtzt. D'EIB schafft weiderhi mat europäesche Partner zesummen, fir weider Méiglechkeete fir d'Ënnerstëtzung vun der Ukrain an den ukrainesche Flüchtlingen ze erfuerschen.





**D'EIB stellt der SpinDiag GmbH  
15 Millionen Euro zur Verfügung,  
für d'Entwécklung vun der PCR-  
baséierter Diagnostestplattform für  
Gesondheetsariichtunge vun der jonker  
Entreprise ze finanzéieren.**


## **COVID-19**

D'EIB war u viischter Front bei der weltwäiter Reaktioun vun der Europäescher Unioun op d'COVID-19-Pandemie an huet sech mat internationalen Organisatioune wéi der Weltgesundheitsorganisatioun an dem Kannerhëllefswierk vun de Vereenten Natioune zesummegeschlossen, fir direkt Moosnamen ze ergräifen.

D'Noutfallhëllef vum EIB-Grupp huet klengen a mëttleren Entrepreneuren an innovativen Start-uppen et erméiglecht, trotz extremer Unsicherheit zu investieren. Mir rechnen domat, 200 Milliarden Euro u Finanzmëttel mat eisem Europäesche Garantiefong zu mobiliséieren an domat liewensfäeg Entrepreneuren zu ënnerstëtzen, déi opgrond vun der Pandemie zu kämpfen haten.

D'EIB huet och d'Entwécklung an de Kaf vu COVID-19-Impfstoffen, Léisungen zur Begrenzung vun der Ausbreedung vum Virus an aner Projete am Beräich vun der öffentlecher Gesondheet am Zesammenhang mat der COVID-19-Kris matfinanzéiert.





**Während der Pandemie huet d'EIB den italieenesche Start-up Eggtronic finanziert, deen en energespuerende Stroomwandler erfionnt huet. Opgrond vun hirer héijer Energieeffizienz, hunn d'Stroomwandleren vun Eggtronic e vill méi klengen CO<sub>2</sub>-Foussofdrock ewéi vergläichbar Apparater.**



# KLIMA AN ENERGIE

De Klimawandel ass déi gréisst global Erausforderung vun eiser Generatioun. D'Erreeche vun de Klimaziler bestëmmt d'Wuelbefanne vun eise Kanner. D'Klima- an Energieziler vun der EIB setzen an Europa an doriwwer eraus nei Moosstief. Mir ënnerstëtze keng Projete mat fossille Brennstoffer méi a widme bis 2025 50 % vun eisen Investitiounen a Klimaschutz an Nohaltegkeet.

D'Aggressioun vu Russland an der Ukrain huet Europa an eng Energiekris gedriwwen, wouduerch d'Noutwennegkeet vu Moosnamen nach méi dréngend ginn ass. D'Invasioun huet eis dorun erënnert, wéi wichteg et ass, d'Sécherheet vun eiser Energieversuergung ze schützen – Energie ass e Sécherheetsproblem an d'Dekarboniséierung ass eng Fro vu strateegescher Autonomie.

D'Operatiounen vun der EIB beschleunegen de grénge Wuesstem an d'Dekarboniséierung vun de Vollekswirtschaften. Mir ënnerstëtze Projete fir Energieeffizienz an erneierbar Energien, déi dozou bäidroen, CO<sub>2</sub>-Emissiounen ze reduzéieren och eis Energiesécherheet ze stäerken. All eis Moosnamen droen zu engem nohaltege sozialen a wirtschaftleche Wuesstem bäi.

D'EIB-Investitiounen befaasse sech och mat den Auswierkunge vum Klimawandel op gefäerdet Bevëlkerungsgruppen, schützen d'biologesch Vielfalt a férdere eng nohalteg Landwirtschaft. Mir erhalen d'natierlech Ressourcen a maachen d'Ëmwelt fir zukünftge Generatiounen sécher. Jiddwer Projet, deen d'EIB ënnerstëtzt, sief et fir Innovatioun, kleng Entrepreneuren oder Infrastruktur, muss mat eise Klimaziler an Aklang bruecht ginn.









**D'EIB huet Anaconda, eng Spuenesch Pionéierentreprise ënnerstëtzt, déi eng wirtschaftlech Behandlung entwéckelt huet, mat där Dokteren no engem Schlag Liewe retten a Behënnerunge reduzéiere kënnen.**

# INNOVATIOUN

Innovatioun hält Europa wettbewerbsfäeg a schaaft héichwäerteg Aarbechtsplazen. D'EIB ënnerstëtzt selleg Innovatiounsphasen an ënnerstëtzt Iddien zur Verbesserung vum Liewensstandard.

Mir ënnerstëtze grouss Fuerschungs- an Entwécklungsentreprisen esouwéi kleng, spezialiséiert Entreprisen. Eis Investitiounen a Secteure wéi Telekommunikatioun, Loftfaart, Medezin an Digitaliséierung sinn e Gütesigel, deen zousätzlech privat Finanzéierung fir dës Projeten unzitt. Den EIB-Grupp erméiglecht et europäeschen Entreprisen, modernst Technologien ze schafen an ze entwéckelen.

Mat EIB-Krediter bauen an erweideren Universitétéiten hir Fuerschungs- ariichtungen a Start-uppen erhéijen hir Mataarbechter a verbesseren hir Ausrüstung. Mat der Ënnerstëtzung vun der EIB ginn innovativ Iddien zu Entrepriserfolleger.



**D'EIB ass e féierende Prêtgeber fir kleng  
Entreprises an de westleche Balkanstaaten an  
ënnerstëtzt bal 30 000 Entreprises an eng hallef  
Millioun Aarbechtsplazen. Als Resultat vun eiser  
Aarbecht hu méi ewéi 1 800 Schoulen a Serbie  
méi séier Internetverbindungen a besser digital  
Ausrüstung, fir datt Schoulmeeschtere wärend  
der Pandemie de Schüler doheem Fernunterrecht  
ubidde konnten.**

## **INTEGRATIOUN**

D'EIB ënnerstëtzt kleng Entreprises a jonk Mënschen an och Entrepreneuren, andeem se hinnen Zougang zu Krediter a Betreierung bitt. Mir erméiglechen et Mënsche mat nidderegem Akommessen, Selbstännegen a Klengstentreprisen, Finanzéierungs- an Entrepreneurberodung ze kréien fir sécherzestellen, datt hir Projeten erfollegräich sinn.

Normalerweis léinen mir net méi ewéi d'Halschent vun de Käschte vun engem Projet. D'Bedelegung vun der EIB soll als Katalysator fir eng méi staark Bedelegung vum private Secteur déngen an d'Investitiounen an e Projet erhéijen.







# NOHALTEGKEET

D'EIB bréngt Geld op, andeem se Obligatiounen op den internationale Kapitalmäert emittéiert. Eis excellent Bonitéit erméiglecht eis et, Mëttel zu gudden Zënssätz ze sammelen an dës Virdeeler ginn un d'Clientë weiderginn.

D'Kapitalmaartexpertë vun der EIB hunn déi gréng an nohalteg Obligatiounsmäert geschaf an entwéckelt. Mir sinn de gréisste supranationalen Emittent vu gréngen Obligatiounen, déi erneierbar Energien, Energieeffizienz, proppert Waasser a Sanitärversuergung ënnerstëtzen.





Orange Money

TRANSFERT DE CREDIT  
5.000 F

RECHARGE  
100 F

1500

100 F

KANFANG





**Kleng Entreprises am Kongo hu während der Pandemie Prêten zu engem fairen Zënssaz vun der EIB kritt an net zu de ganz héijen Tauxe vun informelle Kreditgeber, fir dësen Entreprises an hire Gemengen ze hëllefen.**

## **EIB GLOBAL**

EIB Global, d'Entwécklungsabteilung vun der EIB, gouf 2022 geschaf, fir d'Wierkung vun eiser Entwécklungsfinanzéierung ze erhéijen. D'EIB huet an de leschten zéng Joer (2012 – 2022) méi ewéi 70 Milliarden Euro baussent der Europäescher Unioun investéiert an all Joer Milliarden un Investitiounen aus dem private Secteur mobiliséiert. EIB Global verstärkt d'Wierkung vun der EIB, andeem se op d'lokal Gemeinschaften, Entreprises an Institutiounen op der ganzer Welt zougeet.

D'EIB wäit hir Ënnerstëtzung fir lokal Mikrofinanzinstitutiounen a Regiounen aus, an deene Mënschen dacks keen Zougang zu Banken hunn. Wa Mënsche Krediter kréien, beschäftegen Entreprisë méi Aarbechtneemer, Frae ginn onofhängeg, d'Verdreiwung gëtt reduzéiert a Stéit kënnen sech aus der Aarmut befreien.

D'Verfügbaarkeet vun der Branchenexpertis vun der EIB op lokalem Niveau gëtt erhéicht an eist Wëssen an eis Erfahrung gi mat lokale Partner gedeelt. Mir bidden onofhängeg Berodung, déi op den Erfarungen aus der Aarbecht a sëllege Länner a Secteuren opbaut. Dës Berodungsdéngschter kënnen d'Finanzéierungsprodukter vun der EIB begleeden, awer se kënnen och onofhängeg vun enger Finanzéierung ugebuede ginn.



De Klimawandel, d'COVID-19-Pandemie an aner Krisen erfuerderen, datt d'Milliarden, déi mir mat eisen internationalen an nationale Partnerbanken investéieren, duerch nei Partnerschaften an d'fortgesat Zesummenaarbecht mat globale Finanzinstitutiounen an Trillioune verwandelt ginn. Am wichtigsten ass, datt d'Bedelegung vun der EIB d'Bedelegung vum private Secteur fërdert, wat nei Investitiounen unzitt.

Eleng d'Entwécklungslänner brauche méi ewéi 2 Milliarden Euro zousätzlech järelech Investitiounen, fir d'UN-Ziler fir nohalteg Entwécklung an d'Ambitioune vum Paräiser Ofkommes zur Bekämpfung vum Klimawandel ze errechen.

Als EU-Klimabank ënnerstëtzt d'EIB den Europäesche Gréngen Deal, d'Konzept der Europäescher Unioun fir sécherzestellen, datt hir Klima-, Energie-, Verkéiers- a Steierpolitik d'Zärgasemissiounen bis 2030 (am Verglach zu den Niveaue vun 1990) ëm mindestens 55 % reduzéiert ginn. D'Europäesch Unioun mécht awer nëmmen 10 % vun de globalen Emissiounen aus, esoudatt d'EIB Global dozou bäidréit, d'Dekarboniséierungsbeméiunge vun Europa iwwer hir Grenzen eraus auszewäiten an e globale Gréngen Deal ze ënnerstëtzen.

EIB Global ass e wichtige Alliéierte vun der Europäescher Kommissioun an hirem 300-Milliarde-Programm Global Gateway, dee Projeten ënnerstëtzt, déi d'global a regional Vernetzung an Digitaliséierung, Klima, Verkéier, Gesondheet, Energie a Bildung verbessern. Entwécklungskrediter a Finanzpartnerschafte beschleunegen de Wuesstem, maache ländlech Gebidder méi dichteg, erméiglechen et Stied, méi innovativ ze sinn, a stärke Vollekswirtschaften.

D'Aarbecht vun EIB Global ënnerstëtzt Länner, déi versichen, d'Gläichstellung vun de Geschlechter ze verbessern a Fraen op der Aarbechtsplaz ze stäerken, andeem se Partnerschaften mat vu Frae geféierten Entrepreneuren aginn. Mir hëllef Millioune vu Mënschen, déi keen Zougang zu propperem Waasser, Stroum, Impfstoffer, gudder Gesondheetsversuergung an ugemossenen Offallbehandlungssystemer hunn.







# EIS VERFLICHTUNG

D'Europäesch Investitiionsbank ass géintwuer den EU-Bierger rechenschaftspflichteg. D'Bank ënnerstëtzt Projekte fir d'Förderung vun de Prioritéiten an Ziler vun der Europäescher Unioun, dorënner Klima- an Ëmweltnohaltegkeet, Innovatioun a Kompetenzen, Infrastruktur, kleng a mëttel Entreprises, Zesammenhalt an Entwécklung. D'EIB stellt sécher, datt déi vun hir ënnerstëtzt Projeten – sief et an der Beräicher Energie, Transport, Industrie oder Landwirtschaft – mat den Ziler vum Paräiser Ofkommes an Aklang bruecht ginn. Eis Mataarbechter ëmfaassen Ekonomen, Ingenieuren, Finanzanalysten a Klimaspezialisten, déi all Dag mat lokalen Experten, Institutiounen a Regierungen op der ganzer Welt zesummeschaffen.









D'EIB-Grupp besteet aus der Europäescher Investitiounsbank (EIB) an dem Europäeschen Investitiounsfong (EIF).

D'EIB ass d'Bank vun der Europäescher Unioun. Se ass de gréisste multilaterale Kreditneemer a Kreditgeber vun der Welt. D'Bank huet hire Sëtz zu Lëtzebuerg an verfüügt iwwer en Netzwierk vu lokalen a regionale Büroen an Europa an doriwwer eraus.

Den EIF ënnerstëtzt kleng Betriber, andeem en hiren Zougang op Finanzéierungen an Europa an an enger Rëtsch Länner baussent Europa verbessert. Den EIF konzipéiert an entwéckelt Venture Capital a Wuesstemskapital, Garantien a Mikrofinanzinstrumenter fir d'Innovatioun an d'Beschäftegung ze fërderen.

EIB Global ass den internationalen Entwécklungsarm vun der EIB. Se gouf 2022 gegrënnt a setzt hire joerzengtelaangen Engagement an de Beräicher Entwécklung, Klimaschutz, Innovatioun an Nohaltegkeet op der ganzer Welt fort.